

四庫全書薈要

• 乾隆御覽本

子部

欽定四庫全書薈要

子部  
揚子卷八至十



揚子法言卷八

晉李軌 唐柳宗元 注

宋宋咸吳祕司馬光 重添注

  
淵騫篇

咸曰以君臣者率迪淵騫之行則可勝道哉故次之重黎

仲尼之後迄于漢道

光曰宋吳本迄作訖今從李本迄至也

德行顏閔股

肱蕭曹爰及名將尊卑之條稱述品藻

定其差品及文質也○咸曰品

歷世之臣貴為不少矣然以淵騫為不可及而冠章首有意哉子雲也有以知長爵之達弗逮乎廣道之尊乎

或云是篇與重黎共序然漢書有之疑非揚辭而班固實之未知其據焉。祕曰論漢道以仲尼之後蕭曹名將以德行顏閔所以為品藻也。光曰尊卑謂才德高下。謨淵騫。祕曰聖人之道豈各有差品一本無此序。

或問淵騫之徒惡乎在

祕曰據顏淵閔子騫之徒已沒。光曰惡音烏問今世何無其

人曰寢

咸曰孔子云由也升堂矣未入於室也寢亦室也言游夏諸子在室明入聖人之與者也。祕

曰在當為不字之誤也名愈彰而道愈隆故曰不寢。光曰宋吳本作在寢今從李本言淵騫之才今亦有耳但寢伏不為或曰淵騫曷不寢咸曰言游夏之徒尚在人所知也。室而淵騫二子奚不然

。祕曰淵騫非有文章著世何為不寢

曰攀龍鱗附鳳翼巽以揚之勃勃

乎其不可及乎如其寢如其寢

咸曰夫入室見奧尚可至焉如顏閔則與聖人

高飛冥冥而絕者也其可慕乎故孟子云子游子夏子張皆有聖人之一體閔子顏淵則具體而微揚子之論在於是邪巽風也勃勃輕迅貌。祕曰淵審得聖人而師之譬如攀龍鱗附鳳翼巽風以揚之勃勃然而興後之人不可及也如何其寢如何其寢言其道愈不寢也。光曰宋吳本作巽以揚之今從李本揚發揚也如其寢言其不可寢伏也

七十子之於仲尼也日間所不聞見所不見

文章亦不足為矣

咸曰揚以門人為三品論之也言淵審為其絕游夏之黨得其奧七十子

亦被其淳道矧文章末業爾何難為哉。祕曰非止淵騫也至于七十二子皆日有聞見所以學為賢哲君子也至於文章何足可為哉文章謂若卜商序詩曾參考經之類史記曰孔子以曾參能通孝道故授之業作考

經○光曰宋吳本作七十二子今從李  
本言游孔門者務學道德不事文章  
君子絕德小人

絕力或問絕德曰舜以孝禹以功臯陶以謨非絕德邪

是皆德之殊絕。  
力絕力者何。秦悼武烏獲任鄙扛

鼎拊牛非絕力邪  
皆以多力舉重崩中而死所謂不得其死然。祕曰秦悼武秦惠王之子

也武王有力好戲力士任鄙烏獲孟說皆至大官王與  
孟說舉鼎絕膺而死拊牛亦多力也呂氏春秋曰遂擒  
推移大犧高誘云桀多力能推移大犧因以  
為號。光曰拊牛謂以兩牛相擊如拊手狀  
或問勇曰

軻也曰何軻也曰軻也者謂孟軻也若荆軻君子盜諸

祕曰荆軻衛人也為燕太子刺秦王以君  
子之道類之則大盜耳。光曰此諸盜賊  
請問孟軻之

勇曰勇於義而果於德不以貧富貴賤死生動其心於

勇也其庶乎

或人之問勇若衛靈公之問陳也仲尼荅以俎豆子雲應以德義。祕曰養浩然之

氣勇之大者。○光曰孔

魯仲連陽而不制

高談以救時難功成而不

受爵賞。○或曰魯仲連齊人不肯仕宦好持高游於趙會秦軍圍邯鄲魏使新垣衍說趙王令尊秦昭王為帝而仲連挫之垣衍不敢復言帝秦秦將聞之為却軍五十里遂引而去於是平原君欲封魯仲連魯連遂辭而去終身不復見錫猶倨慢也制猶整肅也言仲連倨慢於爵利而不能整肅於官事也。○光曰宋吳本錫作陽制作割介甫曰錫古蕩字

藺相如制而不陽

好義崇禮屈身伸節輔佐

割古制字今從李本

本國繫時之務也。○或曰藺相如趙人相趙惠王與秦昭王會渢池既罷歸以相如功大拜為上卿位在廉頗

之右頗羞不忍為之下宣言曰我見相如必辱之相如聞之常引車避匿嘗曰顧吾念彊秦所以不敢加兵於趙者徒以吾二人在也今兩虎共鬪其勢不俱生吾所以為此者以先國家之急而後私讎也廉頗聞之肉袒負荊至相如門謝罪此言藺相如自屈如是欲整肅於官事而不倨慢於爵利也。光曰音義曰錫與蕩同光謂蕩謂逸其身心制謂拘於祿位仲連不以富貴動其心而未能忘死生相如不以死生動其心而未能忘富貴故或問鄒陽秘曰鄒陽去吳之梁然否曰未信而分疑忼辭免置云然

幾矣哉

鳥罟謂之罟猶人之縲紲幾危也獄中出慷慨之辭由得以自免亦已危矣。咸曰鄒陽事漢

景帝弟梁孝王為羊勝公孫詭所疾而譏之孝王怒下陽吏將殺之陽從獄中上書孝王立出之卒為上客未信而分疑者言未為梁王所信方為其所疑雖能分斛以免固亦危矣。光曰忼苦兩切置昌鐘切幾音機孔



子稱信而後諫未信則以為謗已也陽初仕梁未為孝王所信而深言以觸機事分取孝王之疑故曰未信而

分或問信陵平原孟嘗春申益乎

秘曰信陵君魏無忌魏安釐王異母弟也

平原君趙勝趙之諸公子趙惠文王弟也孟嘗君田文齊威王孫也春申君黃歇楚人也問有益於國乎曰

上失其政姦臣竊國命何其益乎

當此四君之時實皆有益於其國而揚子

譏之者蓋論上失其政故辯明之。秘曰進賢育善權在國君而四君專之故曰竊國命。光曰洪範曰臣無有作福作威四豪聚私黨以專國政故曰姦臣竊國命。樗里子之智也使知國如

知葬則吾以疾為著龜

秘曰樗里子名疾秦惠王之弟有滑稽多智秦人號曰智囊卒

葬于渭南章臺之東曰後百歲當有天子之宮夾我墓至漢興長樂宮在其東未央宮在其西言使其知國家

未來之安危亦如別葬則其神智如著龜

周之順報以成周而西傾

成曰昔周武王

都於鎬京謂之宗周即西周也至幽王以犬戎亂平王東遷于洛即周公所營之王城是謂成周亦曰東周也秦都咸陽在西而報王為秦所滅故曰西傾。光曰宋吳本作周之傾報今從李本音義曰諸本皆作順報順觀王及報王也俗本作傾誤也史記作慎觀王索隱作順觀王或是慎轉為順秦之惠文昭襄

以西山而東并

祕曰周顯王四十四年秦惠文始稱王至昭襄王五十一年乃滅周時秦都雍

州西山在焉而東滅周故曰東并本

孰愈

咸曰問西傾東并誰優。

紀曰文公卒葬西山。光曰并音併

曰周也羊秦也狼

咸曰周衰弱如羊秦

祕曰或者以子雲不與秦故問西傾東并誰為優

如狼然則狼愈歟

光曰問強猶勝於弱乎

曰羊狼一也

過猶不及兩不與也

○咸曰言周以不道而弱秦以不道而強強與弱雖異而不道一也。○祕曰夫湯武革命順乎天而應乎人者以道德易暴亂者也。今秦以暴虐易微弱而民不安堵何愈之有。或問蒙恬忠而被誅

忠奚可為也曰塹山堙谷起臨洮擊遼水力不足而屍

有餘忠不足相也

相助也雖盡一身之節而殘百姓之命非所以務民之義。○咸曰秦已并

天下乃使蒙恬將三十萬衆北逐戎狄收河南築長城起臨洮至遼東延袤萬里又始皇欲游天下乃使蒙恬通道自九原抵甘泉塹山堙谷後始皇卒胡亥立與其弟蒙毅俱為趙高所害吞藥而死司馬遷謂蒙恬所為秦築長城亭障塹山堙谷通直道固輕百姓力矣夫秦之初滅諸侯天下之心未定疾傷者未瘳而恬為名將不以此時強諫振百姓之急養老存孤務修衆庶之和而阿意興功此其兄弟遇誅不亦宜乎今揚旨與遷同

故備載之以見始末。○光曰：李本屍作死，今或問呂不

韋其智矣乎？以人易貨。

呂不韋陽翟賈人也，出千金以助子楚。子楚既立，不韋相之。

祕曰：呂不韋陽翟大賈人也。秦子楚質於趙，不韋曰：「此奇貨可居。」故曰「人易貨」。○光曰：捐千金而得子楚。曰：

誰謂不韋智者歟？以國易宗。

雖聞列封先笑，後愁身既。雖死，宗族竄流。○祕曰：不

韋仕不由道，用貨財而佞於華陽夫人，以取顯位，終乃家屬從蜀飲鴆而死。是徵取國權以易宗族。○光曰：貪國權而喪其宗。呂不韋之盜穿窬之雄乎？不以其道非盜而何。穿窬也者

吾見擔石矣，未見雒陽也。

雒陽不韋所封國也。揭雒陽而行天下，豈徒擔石乎？○祕

曰：穿窬者，伺慢藏而得之，不過一擔一石，而不韋同人顏色而取之，雒陽之封是其雄也。子楚立，是為莊襄王。

以不韋為丞相封為文信侯食河南雒陽十萬戶。○光曰音音踰擔都溫切

秦將白起不仁

奚用為也長平之戰四十萬人死蚩尤之亂不過於此

矣原野厭人之肉川谷流人之血將不仁奚用為。○奚何

曰白起事秦為武安君前後伐韓魏斬殺甚多昭王四十七年與王齕伐趙圍其將趙括於長平既殺趙括括軍敗卒四十萬人降起起乃挾詐而盡坑殺之。○翦問王故揚以為不仁。○光曰用將所以救亂誅暴。○翦翦。

祕曰王翦潁陽東鄉人也問其將略曰始皇方獵六國而翦牙歛

咀噬用牙言其

酷也歛者絕語歎聲。○祕曰言翦之助惡也牙歛謂切齒而怒也歛怒聲太史公曰王翦為秦將夷六國。○光

曰歛烏開切翦為之牙以噬物或問要離非義者歟不以家辭國

祕曰要離

吳人棄家而為國疑其曰離也火妻灰子以反於慶忌有義。○光曰要一遙切

實蛛蝥之靡也焉可謂之義也

義者臣子死節乎君親之難也離自平人而焚

燒妻子詐為吳仇讎求信於慶忌反而刺之若蜘蛛之小巧耳。○祕曰吳王閻閭欲殺王子慶忌要離詐以罪亡令吳王燔其妻子而揚其灰走見慶忌以劍刺之譬如蜘蛛之蝥毒於人而靡死也焉可為義哉靡披靡而死也。○光曰宋吳本蝥作蝥今從李本蛛音誅蝥音矛靡與靡同音義曰賈誼新書曰蛛蝥作網光謂靡爛也政也

祕曰聶政軼深井里人也問其義乎

為嚴氏犯韓刺相俠累曼面為

姊實壯士之靡也焉可謂之義也

俠累韓相名也。○祕曰嚴仲子事韓哀侯

與韓相俠累有郤仲子恐誅亡去游齊交聶政政後伏劍至韓刺殺俠累因自鉞面決眼自屠出腸遂以死其

姊嫪如韓之市伏尸哭於邑悲哀而死政之旁曼無也  
言政知姊之忠烈乃鉞其面使他入無所識認且欲全  
其姊者也小爾雅曰曼無也。軻也問荆軻。祕曰為  
光曰音義曰曼謨官切塗面

丹奉於期之首燕督亢之圖入不測之秦實刺客之靡

也咸曰燕太子丹以荆軻為上卿欲以報秦先是秦將  
樊於期得罪亡入燕太子丹受而舍之秦購樊於期

首金千斤邑萬家荆軻謂太子丹曰誠得樊將軍首與  
燕督亢之地圖以獻秦王王必悅見臣臣乃得以報矣  
於是說樊於期於期遂自刎軻乃與秦舞陽盛於期首  
函封之及求天下利匕首與秦督亢之地圖至秦秦王  
聞之喜乃見於咸陽宮軻奉於期首而秦舞陽奉地圖  
秦王發圖窮而軻以左手持把秦王之袖右手持匕首  
撻之秦王驚自引而起軻知事不就倚柱而笑箕  
倨以罵秦王左右遂前殺軻矣。光曰亢音剛

焉可

謂之義也

三士所死皆非君親之難也非義之義君子不為也

或問儀秦學乎鬼

谷術而習乎縱橫言安中國者各十餘年是夫

秘曰張儀魏人

也蘇秦雒陽人也俱事鬼谷先生學術裴駰曰按風俗

通又曰鬼谷先生六國時縱橫家於是張儀相秦蘇秦

相六國乃投縱約書於秦秦兵曰詐人也聖人惡諸

不敢闕谷闕十五年問是道夫

皆飾詐辯尚權曰孔子讀而儀秦行何如也

欲讀仲尼之書而行

變聖人不取也

蘇張之辯曰甚矣鳳鳴而驚翰也

咸曰鳳鳴謂孔子讀也驚翰謂秦儀行也○秘曰驚

擊也鄒陽曰驚鳥累百○光曰翰胡

安侯肝二切驚鷹隼也翰羽翼也

曰然則子貢不為

與

子貢亦游說抑齊破吳以救魯○秘曰齊欲伐魯

子貢行而說齊存魯破吳彊晉霸越言儀秦非道則



子貢學孔子矣不為之乎。光曰子貢存魯亂齊破吳強晉霸越考其年與事皆不合蓋六國游說之士託為之辭太史公不加考校因而記之揚子亦據太史公書發此語

曰亂而不解子貢恥諸

說而不富貴儀秦恥諸

恥國亂而不解其義高恥游說而不富貴其情下。祕曰子貢

之志在解於禍亂儀秦之志在求於富貴苟求富貴則無所不至矣或曰儀秦其才矣乎

跡不蹈已

蘇秦佩六國相印以抑彊秦張儀入秦而復其術後破山東。咸曰迹不蹈已者蹈踐也

言儀秦之才術超卓自然不踐循舊人之迹。祕曰儀秦雖同術豈非才乎秦則務縱橫儀則務解之二人之迹各不

曰昔在任人帝曰難之亦才矣

祕曰任佞也巧言近佞不以才

也。光曰宋吳本作昔在任人帝而難之不以才矣今從李本任音壬難讀如字佞者口才也舜謂知人安民

惟帝其難之能哲而惠何畏乎巧言令色孔壬揚子才  
言驩兒之徒能以巧言惑聖人其才亦不在人下矣才

乎才非吾徒之才也

祕曰儀秦之才非元凱之才美行也。光曰口才君子所不貴

園公綺里季夏黃公角里先生

避秦之亂隱居商山不朝高祖而從太子帝客

禮之。○祕曰行人所不能四皓也。○光曰角廬谷切或作角音同

言辭婁敬陸賈

婁敬說高

祖都關中陸賈說尉佗為漢臣又作新語高祖善之執正王陵申屠嘉

呂后欲王諸呂陵執

意不從免陵乃得封之文帝佞幸鄧通至使慢禮嘉折之又晁錯犯憲嘉奏誅錯。○光曰宋吳本正作政今從

李折節周昌汲黯

高祖欲易太子周昌面爭以為不可武帝時公孫弘為丞相汲黯面折弘

於上前以為弘諛不忠。○祕曰折節言其能降也夫彊直之人降則為亂若二公者天姿彊直而能乃降其折

節可守儒素固申公

素固守正以得辜於竇太后后使入園擊毬申公守正以事楚王卒

為楚王所烹此二公終不屈其道○祕曰素固生以治詩孝景帝時為博士竇太后好老子書召素固生問老

子書固曰此是家人言耳頃之為清河王太傅久之病免申公以詩經為訓及趙綰王臧謂天子欲立明堂以

朝諸侯不能就其事乃言師申公於是天子使使東帛加璧安車駟馬迎申公以為太中大夫舍魯邸議明堂

事實竇太后不說儒術得綰臧之過申公以疾免災異董相夏侯勝京房

董仲舒夏侯勝

京房皆善推陰陽知災異

或問蕭曹曰蕭也規曹也隨

蕭何規規於前如一曹參

奉隨於後不失○光曰非蕭不能規非曹不能隨二人協心共成漢道其賢等耳

滕灌樊鄴曰

俠介

滕公灌嬰樊噲鄴商此四人前後輔夾高帝○咸曰俠與挾同持也介衛也言高帝為沛公時而夏

侯嬰灌嬰樊噲酈商皆已從之為持衛也。祕曰：滕公夏侯嬰灌嬰樊噲酈商皆俠剛介之士。易曰：介如石焉。○光曰：叔孫通曰：繫人也。叔孫通秦博士避二世之亂遇高祖起兵從之天下既定

還復從儒見事敏疾。祕曰叔孫通采古禮與秦儀雜著漢儀簡牘之人也。槩猶牘也。說文曰牘璞也。西京雜記曰子雲好事常懷鈎提槩。袁盎曰忠不足而談有光曰槩才敢七廬七豔三切闕。

素盞曰忠不足而談有

餘說景帝斬晁錯以謝七國實挾私怨而不為國。祕曰袁盎譖誅晁錯忠不足也諫遷淮南王而談有餘

晁錯曰愚畫策削諸侯王七國既反今盛得行其說

錯知七國之彊不奉辭伐罪而請削乃為素餐之所中而不能預言古之愚也直晁錯有焉○光曰音義曰天復本愚作由忠今從諸家錯知諸侯太彊必為亂故削之而七國尋反身死東市不若主父偃從諸侯所欲分

國邑侯子弟而諸侯酤吏曰虎哉虎哉角而翼也  
自弱也故以錯為愚  
郅都

寧成

張湯杜周之徒○咸曰韓詩外傳云無為虎傅翼將飛  
入邑擇人而食此以酤吏猶虎而角翼者言暴之甚也

○光曰不仁之人而得勢位如虎之得角翼

**貨殖曰蚊**

咸曰孔子云賜不受命而貨殖焉又曰求

也為之聚斂是則貨殖聚斂聖人之所疾也漢書稱揚  
子不汲汲於富貴不戚戚於貧賤家無甌石之儲晏如

也今或人問貨殖故荅之曰蚊亦疾之甚焉夫蚊之為  
蟲啄人而求生可鄙惡者也貨殖之徒兼并聚斂非義

是存亦所謂啄人而求生矣○祕曰貨殖之人析毫顧利微而食人其猶蚊乎

**曰血國三千使**

**將疏飲水褐博沒齒然也**

咸曰揚既以蚊賤貨殖或以是言難之也云天下之民有

骨血者三千國非貨殖則將使其飯蔬食飲水被褐終  
年而已乎言衣食僅給而不能富庶也今下無荅文者

蓋楊鄙其不諭教而彊見難故不對之也三千國者昔禹會塗山執玉帛者萬國於商周之世已漸并之矣故至漢但可三千而已舉大較也褐博者孟子云褐寬博謂獨夫之被褐者沒終也齒年也○祕曰楊恐未諭故再釋之曰貨殖之心若蚊自務輕飽而血視三千之國使將疏飯飲水衣褐博之衣沒其年齒而後已也齒齡也按周一千八百國而漢郡國一百三縣邑千三百一十四云三千者蓋貨殖之人倍取於國且言其多歟○

光曰李本作沒齒無愁也今從宋吳本蚊下曰衍字褐毛布也褐博以褐為寬博之衣也三千言其衆也言貨殖如蚊嗜民之血使之

或問循吏曰吏也

鄭子產公儀休孫叔敖之

徒○咸曰言如是游俠曰竊國靈也

靈命也朱亥田仲郭解劇孟原涉之

徒○咸曰荀悅云立氣勢作威福結私交以立彊於國者謂之游俠此云竊國靈蓋言竊行國之威靈以為之

彊。○祕曰靈福也。運載游俠竊國之威靈為己之私義者也。○光曰國之所以能為國者以在上者執號令御其下如人之有神靈也。倭幸曰不料而已。籍儒鄧通周文仁韓王孫李延年之徒。○咸曰

料度也。夫倭幸者日以寵進位非才升憑乎城社卒蹈機穽亦不度者也。○光曰不自料其才德不稱其寵祿而貪竊之以取禍敗此或問近世社稷之臣曰若張子皆論太史公書所載

房之智。功用行舍藏陳平之無悞。內明其畫外無違悞。○功成身退。祕曰所舉必行無謬悞。

○光曰李本悞作悟今從宋吳本悞與忤同。絳侯勃之果。祕曰誅諸呂立霍代王果於大事。霍

將軍之勇。祕曰光摧燕上官之鋒。終之以禮樂則可謂處興廢之分而不懼。

社稷之臣矣。此數公遭漢初定倉卒之際則權應當時苟以救世不能與稷契伊周同風未終先

王之禮樂。祕曰言此數公既立功之後以禮樂自終則社稷臣矣。○光曰言雖兼數公之才業不能修禮樂以成治平之化亦未足謂之社稷之臣也。或問公孫弘董仲舒孰邁欲知此二人用

心誰近聖人之道。曰仲舒欲為而不可得弘容而已祕曰誰近社稷之臣

矣。利用安身。○祕曰仲舒欲施禮樂之事而武帝外之故不可得也。禮樂志曰時上方征討四夷以忘武功

不服留意禮文之事又曰未有立禮成樂此賈誼仲舒王吉劉向之徒所為發憤而增歎也弘嘗與公卿約議至上前皆背其約以順上旨。或問近世名卿曰若張廷是取容而已何暇禮樂哉

尉之平

張釋之惟存公平無阿於意。○成曰釋之為廷尉天下無冤民其所謂平矣。○祕曰張釋之為

廷尉不族盜宗廟御物者執法之平也。贊曰張釋之之守法

雋京兆之見

雋不疑當昭帝時有



人自稱亡衛太子百官莫知其所不疑後至尹扶風之  
取而治之乃巫成方遂也○光曰雋但究切

絜

尹翁歸清廬有節不被滋垢

王子貢之介

王子貢名尊成帝時人治任公正誅鋤豪彊不

避貴斯名卿矣將

既聞名卿次問名將

曰若條侯之守

咸曰周亞夫也守謂

守細柳○光曰壁昌邑不救梁以弊吳雖有詔書亦不從

長平冠軍之征伐

祕曰長平侯衛

青冠軍侯霍去病俱征伐匈奴立功博陸之持重

祕曰博陸侯霍光贊曰臨大節而不可奪遂正

國家安社稷

可謂名將矣請問古

欲知古之良將

曰鼓之以道德

咸曰

猶益贊禹而有苗格○祕曰以道勝者帝以德勝者王帝王之兵前無敵孫子五教之計一曰道

征之

以仁義

咸曰猶常武所謂既敬既戒惠此南國○祕曰荀卿曰桓文之節制不可以敵湯武之仁義

輿尸血刃皆所不為也張騫蘇武之奉使也執節沒身

不屈王命雖古之膚使其猶劣諸

膚美也。○歲曰張騫嘗使月氏道經匈奴

中來往兩為匈奴所得留騫十餘歲然騫持漢節不失後亡歸初騫行時百餘人去十三歲惟二人得還蘇武嘗使匈奴中單于說武令降武不聽單于怒幽武寘大窖中絕不與食又徙武北海無人處使牧羝武既至海上杖漢節牧羊卧起持操節旋盡落留匈奴凡十九年至昭帝即位匈奴與漢和親漢求武得歸故二人雖古之美使所不及矣。○光曰世稱東方生之盛也言不沒身者久留匈奴不顧其死

純師行不純表其流風遺書幾如也

咸曰揚鄱朔之為政所以自發論也

表則也蔑絕也謂朔之言行不純一於聖人之師則如詆諆射覆隱語之類也故宗聖之風立教之書絕而不

傳今觀朔嘗上書陳農戰強國之計數萬言又有封太  
山貴和氏璧及皇太子生謀屏風平樂觀賦諸篇頗存  
蓋子雲惡其雜而不取之也。祕曰顏師古曰言辭義  
淺薄不足稱也。○光曰朔言行駁雜所師表者不能純  
壹其流風遺書皆或曰隱者也問以為世稱朔吏隱者

也。○光曰宋吳本或曰作或問今從李本

曰昔之隱者吾聞其語矣又聞其

行矣

昔之隱者文王拘於羑里而重易六爻箕子隱於殷朝而為周陳洪範接輿之在楚而歌鳳兮。咸

曰吾聞其語又聞其行者如夫子所謂作者七人之義也言隱道當如此七人者。祕曰問其聖賢之言行。

光曰言

或曰隱道多端

咸曰或言隱之道多端如朔者亦其一也

曰固也

咸曰

固實也言隱道實多端故陳之于下

聖言聖行不逢其時聖人隱也

咸曰仲尼

亦然。○祕曰：易曰：龍德而隱者也，不易乎世，不成乎名，遯世无悶，不見是而無悶，樂則行之，憂則違之，其聖人也。隱賢言：賢行不逢其時，賢者隱也。

咸曰：孟軻亦然。○祕曰：捨之則藏。○光曰：

考其言行之素，皆聖賢也。以不逢其時，故隱以避害耳。談言：談行不逢其時，談者

隱也。

咸曰：子貢仲連亦然。○祕曰：有文而不過者，儒行曰：言談者，仁之文也。○光曰：朔談者，且不遇戰國

縱橫之時，故依隱。昔者箕子之漆其身也，狂接輿之被

玩世不足貴也。

其髮也，欲去而恐罹害者也。箕子之洪範接輿之歌鳳

也哉。

咸曰：彼之隱者，猶為行道立教，而干於時，如楚狂箕子去而隱，以避害言隱，雖有此數端，而朔不可

以及是。○祕曰：此皆多端也。箕子為之奴，孔子曰：殷有三仁焉，而有聞著乎洪範接輿，佯狂孔子下欲與之言。

而有聞者乎歌鳳是皆多端之甚者而其道純正雅一本作離。光曰二子皆晦迹以避害遇聖人則自顯

或問東方生名過實者何也

咸曰言朔既不及此而世稱之過實何也

曰應

諧不窮正諫穢德

由此四事得名

應諧似優

似倡優。咸曰應諧謂應言而諧戲

之如與倖倡郭舍人隱語者

不窮似哲

咸曰問則輒應如射覆見微者。祕曰變詐鋒出莫能窮

者似智慧。光曰吳本哲作智今從李宋本

正諫似直

咸曰蓋諫上林斥董偃請焚甲乙帳者。

祕曰時觀察顏色直言切諫似峭直

穢德似隱

祕曰懷肉汙衣歲更娶婦似隱迹

請問名

曰談達惡比

欲知誰比。祕曰朔之名也談也達也何為倫比談一本作詆字。光曰宋本作請

問名字達吳本作請問名談達今從李本音義引漢書朔談達多端不名一行或問朔所為當何以名之揚子

謂朔談諧敏達之人耳惡音烏

曰非夷齊而是柳下惠戒其子以尚容

首陽為拙柳下為工飽食安坐以仕易農依隱玩世詭

時不逢其滑稽之雄乎

非夷齊是柳下惠戒其子以尚同依隱玩世飽食安步以仕易

農此滑稽之雄者也。咸曰言朔非夷曠而尚取容依約其隱玩弄於世但滑稽之雄者而已何所比哉。光曰李宋吳本皆云非夷尚容依隱玩世其滑稽之雄乎按漢書具載揚子之言恐諸家脫悞也今從漢書滑稽音骨言朔依託隱者以玩侮世人以詭譎欺或問柳下惠時人不逢迂取禍也滑稽多智員曲之貌

非朝隱者歟

此問發於東方朔也。咸曰或以揚之短朔疑朔與惠同道故舉之為請。秘曰朔

既非隱則柳下惠降志辱身言中倫行中慮豈非朝隱者也。光曰朝直遙切

曰君子謂之不

恭古者高餓顯下祿隱

孟子曰伯夷隘柳下惠不恭君

隱未為下今發高下之談盖有厲乎素餐。咸曰楊以  
或人用朔比惠故舉孟軻不恭之言以非柳下惠又以  
夷惠隘不恭二者雖皆不可然推而取之寧以伯夷餓  
顯為高終以柳下惠祿隱為下故曰古者高餓顯下祿  
隱猶奢寧儉易寧戚之義爾亦所以短朔也。光

妄譽

仁之賊也妄毀義之賊也

光曰譽音余下同仁以褒善  
義以貶惡而妄以毀譽加人

是賊傷仁  
義者也

賊仁近鄉原賊義近鄉訕

同乎流俗合乎汙  
世衆皆說之以為

是而不可與入堯舜之道者德之賊也孔子惡似而非  
者孟軻論之備矣。光曰鄉原謂所至之鄉徇衆隨俗  
求媚於人者鄉訕謂所至之或問子蜀人也請人  
鄉喜造謗訕使人畏其口者

祕曰  
問蜀

人曰有李仲元者人也

蜀有嚴君平然君平已顯仲元未聞○祕曰仲元則其人也李

仲元名弘見秦安傳○光曰人者蜀之賢人也仲元事見常璩華陽國志尤詳其為人也奈何

咸曰奈何曰不屈其意不累其身

光曰累良偽切不以爵位屈其意祿利累

其身曰是夷惠之徒歟曰不夷不惠可否之間也

隨時之義治亂

若鳳○光曰有清和之美而無隘與不恭之失從衆而不害於義則可害於義則否如是則奚名

之不彰也曰無仲尼則西山之餓夫與東國之絀臣惡

乎聞

餓夫夷齊絀臣柳下惠也○咸曰東國魯也左傳云下展禽即柳下惠也言夷惠得仲尼譽之名始

聞○光曰絀與黜同惡音烏

曰王陽貢禹遇仲尼乎

咸曰王吉字子陽事宣帝為諫



議大夫貢禹字少翁二人為友世稱王陽在位貢禹彈冠言其取捨同也元帝即位遣使徵貢禹與吉吉年老道病卒禹後為御史大夫此言李仲元不遇仲尼則名不彰而王陽貢禹之顯豈遇仲尼乎○光曰言王貢力學絮已而名著海內豈必遇仲尼曰明星皓皓華藻之力也歟

星雖皓皓有華

藻然非能自顯耀也要湏著天而後天下見之○光曰言星之明非藻飾所能致以其居高故為人所瞻仰王貢之名所以彰著曰若是則奚為不自高

光曰言仲元何不仕

曰

皓皓者已也引而高之者天也

星著天而後天下見王陽貢禹時主所揚而後

名顯也仲元雖有賢德而時不高之故不彰

子欲自高邪

君子行德俟命而已○祕曰仲尼之

不見察舉猶如或人豈能自達哉

仲元世之師也見其貌者肅如也

咸

貌端故見聞其言者愀如也。咸曰言正故聞者愀然謹者肅然敬

愀然變觀其行者穆如也。咸曰行溫故但聞以德詘人動貌

矣。咸曰詘人者使人而從己德也。○光曰李本但作鄴音義曰古鄴但通用今從宋吳本未聞以

德詘於人也。咸曰詘於人者以己德而從人也。○仲元

畏人也。言可畏敬。○咸曰言使人心服而畏之。○秘曰人所畏服或曰育賁言夏育孟賁亦

使人畏。○秘曰夏育孟賁皆衛人言其勇力亦人所畏也。○光曰賁音奔下同曰育賁也人畏

其力而侮其德。咸曰非心服之畏請條問其目也曰非正不視

非正不聽非正不言非正不行夫能正其視聽言行者

昔吾先師之所畏也

所畏謂言不慚行不恥孔子憚之

如

視不視聽不聽言不言行不行雖有育貴其猶侮諸

揚子法言卷八

揚子法言卷九

晉李軌 唐柳宗元 註

宋宋咸吳祕司馬光 重添註

君子篇

咸曰以淵審道亞諸聖自非君子曷克然故次之淵審

君子純終領聞

純善也領令也聞名也言善於終而有令名也○祕曰君子之道純而終之受

其令聞○光曰領郎定切聞音問君子既樂善以終又有令名聞於後世者以立言不朽故也

蠢迪檢

押

蠢動也迪道也檢押猶隱括也言動則由於檢押○咸曰迪當訓為蹈履之蹈檢押猶法度也言動必履

蹈於法度。○光曰：檢押當作檢押，押戶夾切。

旁開聖則

秘曰：則法則也。○光曰：開通也。君子立言

旁通聖人之法。○

誤君子

秘曰：君子小人在人所為而已。擇而行之區品彰矣。○光曰：論立言之是非。

或問：君子言則成文，動則成德，何以也？

咸曰：問君子何以能然。曰：

以其弼中而彪外也。

弼，滿也。彪，文也。積行內滿，文辭外發。○光曰：弼，普耕薄萌二切。學成

道充言動皆美。

般之揮斤，羿之激矢，君子不言，言必有中，也不

行行必有稱也。

咸曰：般，羿之斤矢精之至也。君子之言行正之至也。○秘曰：般，輸之揮斤后羿

之激矢猶如君子之言行素習於內，發中繩準。○光曰：般，音班。中，丁仲切。稱尺證切。稱者得事之宜。

或問：

君子之柔剛曰：君子於仁也柔，於義也剛。

仁愛大德，故柔屈其心節。

義大業故剛厲其志。○祕曰木性則仁故柔。或問航不

金性則義故剛。○光曰柔於愛人剛於去惡。

槳衝不齋有諸

樓航不挹槳。曰有之。或曰大器固不周。

於小乎

光曰言有大志者不顧小節。

曰斯械也君子不械。

械器也。航衝之器無

所不施。○咸曰君子之道惟變所適。航衝之器主一而用注謂航衝無所不施反矣。○光曰器械適於一用君

子明道無施不可。

或問孟子知言之要知德之奧曰非苟知之

亦允蹈之

咸曰允信也。蹈行也。言孟子於要言奧德非惟苟且而知之亦能信而行之。

或曰

子小諸子孟子非諸子乎曰諸子者以其知異於孔子

者也

祕曰知所知之道。○光曰以其小知立異於孔子之道。

孟子異乎不異

道同仲尼

也或曰荀卿非數家之書佚也

彈駁數家佚合於教○光曰宋吳本佚作脫今

從李本音義曰佚佗括切可也

至于子思孟軻說哉

譏此則乖說○咸曰孔伋字子思孔

子之孫孟軻之師也荀子有非十二子之言亦兼非子思孟軻此言非他數家則偶脫可矣至于非軻伋則邪詭也○祕曰荀卿非十二子若惠施鄒析之徒則脫異聖人之道已至于子思孟軻不異者也是荀卿之說說也曰吾於荀卿歟見同門而異戶也

同出一門而異其戶同述一聖而有

乖詭○光曰言荀卿亦述孔子之道而所見不能無小異

惟聖人為不異

前聖後聖法制立合

大同仁義○

牛玄駢白晬而角其升諸廟乎是以君子

祕曰純終也

全德

色純曰晬○咸曰宗廟之牛貴純毛如黑赤白三色各純粹而角握中禮則可升諸廟矣所以君子



亦貴純全其德。今荀卿學聖人之道而非孔孟，亦不粹矣。○祕曰：韓吏部曰：「大醇小疵，此之謂歟。」○光曰：宋、吳本牛，玄駢白作玄牛，駢白作駢。今從李本，駢與粹同。或問：君子似玉，曰：純淪溫。

潤柔而堅玩而廉，隊乎其不可形也。

君子於玉比德焉。禮記論玉備矣。

咸曰：隊，衆也。言玉之德衆乎，不可盡形容之。○祕曰：淪猶澤也。玩猶珍也。廉，稜也。隊乎猶言垂之。如隊，其惟以德不可形狀。○光曰：玩當作利，音完。謂廉而不剌，隊直類切。隊與墜同，謂垂之。如墜。或問：仲尼之術周而不泰，大而不小，用之猶牛鼠也。

使牛捕鼠雖大無施。○光曰：周

而不泰，謂禮儀周備而無闕泰。

曰：仲尼之道猶四瀆也。經營中國，終入

大海。

祕曰：爾雅曰：「江河淮濟為四瀆。」四瀆者發源注海者也。

他人之道者，西北之

流也綱紀夷貉或入于沱或淪于漢

祕曰西北之流水經夷貉而不返或

向東者亦入沱漢而已言其異而小也書曰嶧冢導漾東流為漢又曰岷山導江東別為沱孔云沱東行○光

曰言諸子之道雖時有小用而非順正不可以致遠

淮南說之用不如太史公之

用也太史公聖人將有取焉

實錄不隱故可採擇○咸曰司馬遷雖雜尚有禮樂

儒學之說於聖人之道可取而用之於劉安溺異端之

適者也故曰鮮取焉○光曰今之所以知古後之所以

知先史淮南鮮取焉爾  
浮辨虛妄不可承信○祕曰太史公實錄猶如魯史舊文聖人

不可廢  
將有取焉以正褒貶淮南劉安之書雜而不典少有可

少必也儒乎

光曰聖道於是乎在

乍出乍入淮南也

或出經或入經○祕曰必

也以儒為名乎內篇論道外篇  
雜說乍出乍入雜而不純者也  
文麗用寡長卿也咸曰司馬

相如文賦雖麗施用則少。  
秘曰相如文雖麗而寡於用  
多愛不忍子長也史記叙事但美

其長不貶其短故曰多愛。  
咸曰遷之學不專純於聖  
人之道至於滑稽曰者貨殖游俠九流之技皆多愛而  
取不忍棄之。秘曰不可以垂世立教  
仲尼多愛愛義者司馬遷皆叙而錄之是多愛不忍也

也子長多愛愛奇也  
光曰仲尼稱管仲為仁史魚為直  
蘧伯玉為君子之類亦多愛  
或

曰甚矣傳書之不果也  
咸曰非經謂之傳或人既聞揚  
子論淮南子長之言愛奇而

雜故因駭之而為問也言甚矣彼傳記之書不果純於  
聖人之道也。秘曰古者詩三千餘篇孔子刪定取止  
乎禮義者三百一十一篇而已是愛義也子長史記至  
於滑稽曰者刺客貨殖之類皆不忍去是愛奇也或人

曰甚矣淮南子長之傳言

曰不果則不果矣

苟非所能自可耳○

咸曰言今人之不果純於聖人之道者尚可導而果之如淮南子長皆已沒矣其書皆已行矣安可導而果之哉誠為不果純矣。祕曰人以巫鼓

巫鼓猶妄說也妄說傷義甚於不言

內不果純文亦不果道矣

一曰巫鼓之儔奚徒不果而已乃復奇談誕以自大假不學為高通故楊子既吐觸情之談又發巫鼓之義○

咸曰夫巫左道者也言彼之書非徒不果純於聖人之道而已今大行於世復使人學之得其雜說如左道之巫以鼓動其事惑夫衆者也如淮南游仙化金之說鼓動末俗使其學之非左道而何也。光曰音義曰天復

本人作又並闕

或問聖人之言炳若丹青有諸曰吁是何言歟

吁者駭嘆之聲

丹青初則炳久則渝渝乎哉

丹青初則炳然久則渝變聖人之言

久而益明或曰聖人之道若天天則有常矣奚聖人之多變

也咸曰言五經支離萬事錯綜○祕曰天有一曰聖人

固多變

天縱之也○光曰聖人志道秉常隨時應物如天之陰陽五行變化無窮

子游子夏

得其書矣未得其所以書也宰我子貢得其言矣未得

其所以言也顏淵閔子得其行矣未得其所以行也聖人

以妙外往諸賢以方中來○祕曰通之者聖也習之者賢也○光曰行下孟切下同六子皆學於孔子而未達

其本原故雖各有所得而未盡其變通聖人之書言行天也天其少變乎

所以應無方也○咸曰此論六子猶孟軻所謂子張子游子夏得聖人之一體顏閔具體而微之謂也夫天多

變然後有成聖多變然後有倫天變隱於萬化而難知故曰天則有常聖變布於五經而可見故曰聖人固多變○祕曰夫天之高也及其變則二氣推移四時更迭三辰運行萬物生瘁不為少也○光曰言天之變化亦多也或曰聖人自恣歟何言之多端也祕曰或人聞多變也恐聖人率意而言故云多端○曰子未覩禹之行水歟光曰謂問同荅異理或相違

一東一北行之無礙也君子之行獨無礙乎如何直往

也祕曰時有可否礙也水避礙則通于海君子避礙則通于理咸曰

高者水之礙故避之則流雜者聖之礙故避之則行○祕曰隨時制宜不失其正理則通矣君子好

人之好嘉其善也而忘己之好若不足也小人好己之好我名而不自知

而忘人之好

物物而不識彼

或曰子於天下則誰與

祕曰與何等。人。光

曰與許也

曰與夫進者乎或曰貪夫位也慕夫祿也何其與

曰此貪也非進也夫進也者進於道慕於德殷之以仁

義進而進

祕曰禮進則進

退而退

祕曰義退則退

日孳孳而不知勸者

也

光曰勸與倦同殷中也退而退當作退而進言不以祿位之進退務進於道德而已故下文云請問退進

或曰進退則聞命矣請問退進曰昔乎顏淵以退為進

後名而名先也

天下鮮儷焉

祕曰人不堪其憂回也不改其樂終日如愚而回也不愚是以退為

進少有其偶。光曰鮮息淺切儷音麗顏回在陋巷不苟仕好學不倦是以退為進

或曰若此則

何小於必退也

秘曰若然則必退於道者何故小之○光曰揚子謂聖人不遁于世不離于羣

是小

曰必進易儷也必退易儷也

必苟也苟進則貪祿利苟退則慕偽名也

○祕曰輕於進以禮退以義難儷也

進退不失其正者君子也○咸曰猶

仲尼之於魯也用之則攝相事而輔夾谷淫女樂廢膳胙則歌之而行○祕曰進之退之惟禮義所在

或

曰人有齊死生同貧富等貴賤何如

懼者畏義也此章有似駁莊子莊子

之言遠有其旨不統其遠旨者遂往而不反所以辨之思各統其所言之旨而兩忘其言則得其意也○祕曰

人有如莊生之齊物者何

曰作此者其有懼乎

秘曰非聖人者

無法懼有誅戮之責作此齊物之論然後以夷曠為妙達曰道家流當然也禮曰行偽而堅言偽而辨學非而



博順非而澤以疑衆殺。○光曰懼謂信死生齊貧富同有憂患不可避故作此論以自寬。

貴賤等則吾以聖人為囂囂

祕曰夫死生異理貧富殊塗貴賤差等較然之義也

而莊子託以道家遂以係表遠去忘言得意稱其齊一而好之者無不甘心焉是虛華之大者若信是言則吾以聖人六經之旨為囂囂之虛語耳。○光曰囂許驕切人好生惡死苦貧樂富重貴輕賤乃其常情聖人因之以設勸沮立政教若信然齊等則通天地人曰儒道業聖人號令典謨徒囂囂然煩言耳

○祕曰陰陽剛柔仁義之道始於太極成於五行主通於至神運於六子管於聖人是謂通之其名曰儒

天地而不通人曰伎

伎藝偏能。○祕曰知天地之變陰陽之數而不知其所以變所以數

是不通於聖人之旨人必先作然後人名之先求然後若子之道名曰伎藝

人與之

人理云云萬物動靜無不由我以明彼者。祕曰若求仁而得仁。○先曰作為善惡而人以善

惡名之自求禍福而人以禍福與之

人必其自愛也然後人愛諸

咸曰言先自愛

於人而人亦愛之

人必其自敬也然後人敬諸

咸曰言先自敬於人而人亦敬

之自愛仁之至也

祕曰韓吏部曰博愛之謂仁

自敬禮之至也

祕曰曲禮

曰毋不敬

未有不愛敬而人愛敬之者也

祕曰未有不愛敬於人而人

愛敬於己者也。○先曰敦仁所以自愛也隆禮所以自敬也

或問龍龜鴻鵠不亦壽

乎曰壽曰人可壽乎曰物以其性人以其仁

物性之壽其質生存

延年長也仁者之壽死而不亡名無窮也。○咸曰故顏氏之子年雖夭而仁不能窮之也。○先曰龍龜鴻鵠性

自壽耳人則為仁然後能保其壽孔子曰仁者壽

或問人言仙者有諸乎

秘曰秦皇

漢武俱欲求之故問焉

曰吁吾聞伏羲神農歿黃帝堯舜殂落

而死文王畢孔子魯城之北

秘曰魯城之北孔子葬所也言伏羲至孔子並聖人

皆死爾○光曰文王葬於畢孔子葬於魯城之北

獨子愛其死乎非人之所及

也仙亦無益子之彙矣

秘曰彙類也仙者皆有虛名而無益於事實者也○光曰借使

有仙亦如龍龜等  
非人類所能學也

或曰聖人不師仙厥術異也聖人之

於天下恥一物之不知仙人之於天下恥一日之不生

光曰言聖人所以不學仙者道不同故也聖人務多知仙人務長生

曰生乎生乎名生而

實死也

咸曰名惡名也實善實也言今之為仙者惡名存也善實死也如始皇考武至今為天下笑非

惡存而善死者乎。祕曰神仙者謂之羽化蟬蛻而升天是名生也其實則降年盡而死耳故曰實死。光曰安期羨門徒有其名。或曰世無仙則焉得斯語曰語乎而人未嘗見實死也。

者非囂囂也歟惟囂囂能使無為有

咸曰仙本無也而盧生之徒以

為有非囂囂不逞者孰能。祕曰囂囂然方士之虛語爾囂囂之多則能使無為有也。光曰多言之人喜妄

說或問仙之實曰無以為也

咸曰言無以為其實

有與

無非問也

咸曰謂之有謂之無皆不當問。祕曰天地之間本無此理無而問有有而問無皆非問

也問也者忠孝之問也

言惟問忠與孝之事耳。忠臣祕曰忠孝者修身之本

孝子惶乎不惶

惶暇。咸曰忠臣寒寒於事君孝子汲汲於事親何暇其仙乎。祕曰惶暇忠

孝之人何暇問無益之事乎。光曰惶音皇

或問壽可益乎曰德

光曰惟修德可以益

壽

曰回牛之行德矣曷壽之不益也

咸曰言顏回冉伯牛德而何不壽

曰德故爾

咸曰庸以長生為壽聖以不朽為壽顏冉有德故不朽爾

如回之殘牛之

賊也焉德爾

言復甚也。咸曰言假令顏行之殘冉行之賊則安得不朽之壽如是哉。光曰顏

冉之命自短耳若加之殘賊則斯命亦不能保也

曰殘賊或壽曰彼妄也君子

不妄

論語曰人之生也直罔之生也幸而免楊子之說亦猶此義。咸曰禮云庶人曰死死斯盡也死則

盡無所聞矣如殘賊者安得不朽哉彼言不朽者乃欺妄也彼問亦以長生為壽楊對終以不朽為壽。祕曰

殘賊之人妄生於世爾豈有不朽之壽哉君子不安生者也。○光曰君子修德以俟命不為殘賊而冀得妄壽

有生者必有死有始者必有終自然之道也

因論神仙之事遂至

原始要終以盡死生之說也。○祕曰夫春生則秋殺陽始而陰終亦猶人也豈有使之然哉自然之道也。○光曰天常春而不秋日常朝而不暮則人長生而不死矣

君子忠人況已乎小人欺

已況人乎

夫至人其猶先存諸已而後存諸人者言乎有其真然後可以訓物況乃其身之不諭又

安能諭諸人哉。○光曰盡誠於人曰忠

揚子法言卷九

揚子法言卷十

晉李軌 唐柳宗元 註

宋宋咸吳祕司馬光 重添註

孝至篇

咸曰人道之大莫大乎孝孝道之全莫全於終故啓之手足沒且誠焉豈易量哉法言始於學

而終於孝理亦粹矣

孝莫大於寧親寧親莫大於寧神寧神莫大於四表之

歡心

言尊祖考安神靈故先王以孝治天下也。祕曰寧神奉宗廟也夫孝始於寧親終於天下之歡心

其道甚大。光曰：神者祖，**誤孝至**。祕曰：夫學所以開明也。故為其始孝，所以

報本也。故為其終動天地，感鬼神者，莫速於孝乎。光曰：論孝及至德，因叙漢室之盛。

**孝至矣**。將欲言其義，所以歎其**一言而該**。光曰：至德要至。祕曰：先王之至德，道無所不該。

**聖人不加焉**。一言而孝兼該百行，聖人無以加之。是至德也。祕曰：該備也。光曰：聖人之德無

以加**父母子之天地歟**。天懸象地載形，父受氣母化成。**無天何生，無地**

**何形**。天地裕於萬物，萬物裕於天地。裕，足也。言萬物取足於天地，天

地不取足於萬物也。咸曰：正文當云萬物非裕於天地，疑脫去非字。裕，饒裕也。天地生萬物，非異其報，故能饒裕於萬物，而萬物不能饒裕於天地也。光曰：裕謂饒益優厚也。揚子設為疑問，以明天地則能裕萬物，萬



物豈能裕  
天地乎

**裕父母之裕不裕矣**

養父母自以為足者乃不足也。或曰父母雖

為子之天地然俟其報與天地異也故親以生育之恩饒裕其子則子也以孝養之德饒裕於親若夫但樂生育之裕不能全孝養之裕則不為裕矣故曰裕父母之裕不裕矣以別萬物之於天地也。祕曰父母有餘裕於其子其子豈能裕父母哉以父母之裕而裕其父母不為裕矣是父母裕於子也常有餘子孝於父母也常不足。光曰欲報

**事父母自知不足者其舜乎**

自知不足則是

舜。咸曰舜所以愈裕而不自克足者懼夫失所以孝養之裕也

**不可得而久者事親**

**之謂也**

祕曰父母之

**孝子愛日**

無須臾懈於心。祕曰其心無懈。光曰木欲

靜而風不止子欲養而親不逮故孝子養親惟日不足

**孝子有祭乎有齋乎**

祭歲齋敬

孝子之事。○光曰言齋重於祭。夫能存亡形屬荒絕者惟齋乎。

亡形復存荒絕

復屬者謂祭如在。○光曰屬之欲切謂齋之日。故孝子之於齋見父母之存也。

祕曰見其居處笑語所樂所嗜謂思而見之。

是以祭不賓。

夫齋者交神明之至故致齋三日乃

見其所為齋者禮記論之備矣而發斯談者有慨乎時也。○咸曰祭不賓者孝子盡精極思而存夫親何暇乎。

賓之接也。○祕曰專乎所親。○光曰賓謂敬多而親少如待賓客。

人而不祭豺獾乎。

九月

豺祭獸正月獾祭魚豺獾猶有所先人而不祭豺獾之不若也。

或曰死生盡禮可謂能

子乎。

生事愛敬死事哀戚。○祕曰問今世須死生盡禮方可謂能子乎。○光曰此問答不類疑下有脫文

曰石奮石建父子之美也無是父無是子無是子無是

父

祕曰萬石君石奮少子建皆以馴孝行謹官至二千石。光曰言父子孝謹相成。

或曰必也

兩乎

祕曰言人必須父子孝謹方為美乎。

曰與堯無子舜無父不如堯父

舜子也

必不得雙於斯二者當如堯之為父舜之為子。咸曰子雲方論孝至而遽以萬石君父子與

堯舜較短長得非傷君臣之道。輕孝至之禮乎。曰子雲之心蓋所以重孝至而謹君臣之道者也。何哉。天下之重莫大乎孝。未有天子而無父也。故自天子至于庶人其禮雖異而其為孝一也。夫孝君行之於上而臣行之於下則四海莫不孝矣。四海皆孝則忠臣得矣。故曰求忠臣於孝子之門。由是言之。子雲所以重孝至而謹君臣亦明矣。有旨哉。子雲也。學者辨之。祕曰與堯之無子舜之無父不若使堯為父而舜為子不必兩也。堯子丹朱不肖舜父瞽瞍頑雖有如無。光曰父子俱聖尤美。

子有含菽縕絮而致滋美

其親將以求孝也人曰偽如之何曰言人有自含食其

菽緇被絮而能致滋甘之味美麗之服於其親思以為孝或非之以為偽何如也○光曰緇於盆切含菽非食

緇絮曰假儒衣書服而讀之三月不歸孰曰非儒也咸惡衣

言設有人假儒衣書服而讀之三月不輟而歸誰曰非乎言亦可以為儒也如彼之自薄而厚於親儻乎不輟

則亦可為孝矣三月者時一變也天時且變而已不變是為可為儒矣○祕曰己欲孝斯孝矣己欲儒斯儒矣誰

其非之○光曰服儒衣讀儒書經時不輟斯亦儒矣或曰何以處偽咸曰問何以見其偽者○

祕曰為之則曰有人則作之無人則輟之之謂偽咸曰禮云

道不可斯須離其身可離非道也所以君子慎其獨矣故有人則修而作之無人則輟而止之非偽而何君子

耻觀人者審其作輟而已矣視其所以觀其所由人焉廋哉不為名之

名其至矣

太上以德自然之義非至而何。祕曰君子行善其名自彰至矣

為名之名

其次也

力行近仁斯亦次矣。祕曰欲求善名而行為次也。光曰畏惡名慕善名猶有所恥

或

問忠言嘉謨曰言合稷契之謂忠謨合臯陶之謂嘉光曰

言不以聖人之正道佐其君者皆非忠嘉

或曰卻如之何

咸曰卻猶繼也言欲繼稷契臯陶者

如之何而可。祕曰卻高也欲高之則如之何。光曰問稷契臯陶道高不可及奈何

曰亦勗之

而已

勗勉。咸曰言欲繼稷契臯陶者當勗勉其道而已

庫則秦儀鞅斯亦忠

嘉矣

庫下也此所以微言貶乎漢臣而為王莽之將相者。祕曰勗勉也庫下也言人欲自高則勉行而

已如其庫下而不能自勉則秦儀鞅斯亦可謂之忠嘉矣蓋言其自足也。○光曰庫音婢若嫌論太高而卑之則陷入於祖詐矣堯舜之道皇兮秘曰皇美夏殷周之道將兮秘曰將大

而以延其光兮

二帝三王光延至今。秘曰延其義大之光

或曰何謂也曰

堯舜以其讓夏以其功

平水土也

殷周以其伐

聖德同而禪代異者隨時

之義一也此又寄言以明其旨焉五君應乎天順乎人王莽違乎人逆乎天。○秘曰以是為美大之次。○光曰

皆盡美盡善

或曰食如螳

言精細也。○光曰螳與蟻同

衣如華

服文彩也

朱輪

馬馬

光曰宋吳本於此有受天字今從李本

金朱煌煌無已泰乎

秘曰受天子之

金朱煌煌然無乃已泰乎。○光曰謂富貴者如此無乃泰侈

曰由其德舜禹受天下

不為泰言當理也不由其德五兩之綸半通之銅亦泰矣如綸

青絲繩也五兩之綸半通之銅皆有秩音夫之印綬印綬之微者也言不由其德而佩猶為泰矣况滔天乎○

咸曰綸青絲綬也諸本註皆作青絲繩蓋傳之誤也○光曰綸古頑切又音倫李宋本半通闕天下之

通道五所以行之者一五謂仁義禮智信也曰勉勉勵也咸曰能

得之矣○秘曰非勉則不復其性或曰力有扛洪鼎揭華旗智德亦有

之乎咸曰言古有力者能扛鼎揭旗夫智德亦有能之乎○光曰揭渠列切曰百人矣此力

百人便能敵之德諧頑諧和也讓萬國以禪禹也知情天地與天

地合其德知鬼神之情狀○咸曰知情天形不測光曰地者言知天地之情○光曰知與智同陰陽

不測之謂神惟百人乎人見其形而不能測其量非百

聖人能形容之人之倫也。咸曰此子雲黹力

而尚德者也。○祕曰知天地之或問君曰明光問臣曰

情其形不可測豈百人可敵乎或問君曰明光問臣曰

若禋祕曰若順禋宜讀如媯爾雅曰媯媯安敢問何謂

也。○光曰禋是支切又杜奚切又音支

也曰君子上則明而光其下在下則順而安其上明

光其下堯之為君也順而安其上舜之為臣也王莽之

事漢則傾覆其上篡位居攝則暴亂其下也。○祕曰明

而光其下法天也順而安其上法地也。○或曰聖人事

異乎

咸曰言聖人亦以妖異為事乎

曰聖人德之為事

祕曰德盛則無異

異亞

之祕曰見異修德者次之故常修德者本也咸曰猶堯舜常修其德何異之也見



異而修德者末也

咸曰猶太戊武丁見異而後修非上德矣故為之末焉。祕曰失於常德

災異乃見修而禳之事在末後

本末不修而存者未之有也

感此之甚者必亡矣

○咸曰猶桀紂本末不修其亡忽焉。○光曰災異應時君之德故以德為本異為末

天地之得斯

民也

得養育之本故能資生斯民也。○祕曰天地之大德曰生生斯民也易曰有天地然後有萬物有萬

物然後有男女是人與萬物齊生而最靈者也。○班固曰夫人聰明精粹有生之最靈故曰得斯民

斯民

之得一人也

得資生之業是故係之一人也。○咸曰言斯民之衆在得一人而治之也。○祕曰書

曰惟天生民有欲無主乃亂

一人之得心矣

一人之得統御天下者以百姓之心為心。○咸

曰言一人之責在得民心而後能長久也故受有億兆夷人離心離德所以亡矣。○祕曰五行志曰思心之不

睿是謂不聖又曰貌言視聽以心為主故一人之得心  
矣○光曰天地因人而成功故天地之所以得其道者  
在民也民之所以得其道者在君也君之所以得其道者  
在臣也

吾聞諸傳

祕曰傳記謂論語○

光曰傳直應切

老則戒之在得年彌高而德彌卽者

咸曰卽美也○祕曰

卽亦高也老則不貪而有德彌高者雖聖人何以加焉

是孔子之徒歟

王莽少則得師力行

老則詐偽篡奪故揚子寄微言而歎慨焉

或問德有始而無終與有終而無

始也孰寧

光曰宋吳本作有始而無終歟有終而無始歟音義曰天復本寧作愈今從李本孰寧寧

為曰寧先病而後瘳乎寧先瘳而後病乎

病篡之深故有先瘳之喻

○祕曰德寧有終也

或問大曰小問遠曰邇未達曰天下為大治

之在道不亦小乎

道至微妙故曰小也。祕曰一人有道而天下治故曰小謂寡治衆也。

四海為遠治之在心不亦邇乎

祕曰一人之得心矣。

或問俊哲洪

秀曰知哲聖人之謂俊

深識聖義是俊傑也。祕曰知哲於聖人之道俊哲也。

秀

穎德行之謂洪

禾之秀其穎猶人之洪其道也。禾秀穎則實結人崇道則德間洪大。祕曰秀

穎於德行洪秀也。光曰知哲當為哲知言哲能知聖人之道不溺於異端智之俊者也。秀謂材秀能修德行

使穎出於衆

君子動則擬諸事事則擬諸禮

事不來則不動

動非禮則不擬。咸曰擬或作凝非也。擬據也。言君子不妄其動乃據事而後動不偽其事乃據禮而後事。

祕曰凝成也。君子不妄動動則成於事事則成於禮。凝一本作擬。光曰吳本擬作凝今從李宋本。擬度也。動

則度其事之可否事則度於禮為是為非

或問羣言之長羣行之宗曰羣言

之長德言也

咸曰謂由德而言乃為羣言之長

羣行之宗德行也

咸曰謂由

德而行乃為羣行之宗

或問泰和

咸曰問太平和樂之道光曰天下和平之至

曰其在

唐虞成周乎觀書及詩溫溫乎其和可知也

發號出令而民說之

咸曰言觀書二典詩小大雅見唐虞成周之盛信泰和矣。光曰言千載之後觀其詩書猶溫溫然和樂況

生其世乎

周康之時頌聲作乎下闕雎作乎上習治也

咸曰

習積習也言由成王來積習為治。祕曰習治習見治世之事

齊桓之時溫而春秋美

召陵習亂也

溫亦亂也。咸曰齊桓公會諸侯于陘楚遣屈完如師以觀齊觀齊之盛因而求盟

桓公退次召陵與之盟以禮楚也。祕曰：縕亦亂也。言齊桓之時下陵上替而春秋美召陵之會能服楚也。習亂亦謂習見亂世之事。按僖公四年楚屈完來盟于師盟于召陵左傳無美之之文子雲據公羊而言也。故

習治則傷始亂也。

傷悼。咸曰：太平之民追歎舊亂。祕曰：習見治世之事觀始亂則傷之。

始亂謂幽厲之時也。孔子曰：嗚呼哀哉！我觀周道幽厲傷之。光曰：先儒多以為周道衰詩人本諸衽席闕雖作故揚子習亂則好始治也。好樂。咸曰：久汙之俗喜以為始亂。安少治。祕曰：習見亂世

之事觀始治則好之。始治謂召陵之盟也。公羊傳曰：漢桓公救中國而攘夷狄卒怙荆以此為王者之事也。漢

德其可謂允懷矣。

允信懷至。祕曰：漢之有德信能懷服遠人。光曰：允謂信及四夷懷謂

遠人。黃支之南大夏之西東觀北女來貢其珍漢德

其可謂允懷矣世鮮焉

明此奕世之所致而莽一旦行詐以取之。祕曰言漢德之盛

四夷來貢信能懷遠矣而歷世少及焉此所以明漢興者天之本也黃支南蠻去合浦日南三萬里大夏西戎去中華一萬二千里東觀北女未詳或傳寫之誤當言北觀東女匈奴謂漢曰若觀自曰呼韓邪後見漢帝為孝慕之故皆為若觀哀帝建平四年烏昧留若觀單于上書願朝是也東夷有東女國西羌別種也西海有女國故云東女國。光曰觀都奚切鮮

芒芒聖德遠人咸

慕上也

芒芒大也。咸曰猶唐虞之世。光曰李本芒芒作荒荒今從宋吳本芒謨皇切

武義

璜璜兵征四方次也

咸曰如商周之代。祕曰璜璜猶言煌煌也以兵伐四夷者次也。

光曰璜音黃

宗夷猾夏蠢迪王人屈國喪師無次也

宗夷者四方羣

夷也。咸曰猾亂也。蠢迪猶陵踐也。王人王室之官言五霸六國然也。祕曰宗夷猶言夷族也。蠢動也。迪蹈也。言四夷之族猾亂中夏動蹈我邊疆而犯王人又屈國喪師焉。無禦戎之次也。光曰蠢動迪蹈也。中國微弱四夷交侵騷動蹈藉天下之民辱國喪衆無麟之儀次言最下也。此汎論王者御夷狄之道然也。

# 儀鳳之師師其至矣乎

咸曰言帝世泰和麟儀儀而馴鳳師師而多德之至也。祕曰

泰和之百官皆如麟鳳之時儀儀然有義師師然衆蓋其至也。光曰儀儀師師皆和整尚德之貌以喻德服

四螭虎桓桓

仁少威多。咸曰桓桓嚴也。言王世以武戡禍亂嚴不失正。

鷹隼戢戢

攫撮急疾。咸曰戢戢暴也。言彊霸之世專為兵詐暴而欲殘。

未至也

未合至德。咸曰言桓桓戢戢

比之帝世泰和則皆未至也。祕曰非泰和之百官皆如螭虎鷹隼之時桓桓武貌戢戢然鷙飛貌於其道未

至也。○光曰：賤財千側板二切。或曰：訕訕北夷。

光曰：訕，翔拱切。

又音山。訕，訕。喧，曉之貌。

被我純續，帶我金犀。

金，金印。犀，劍飾。

珍膳寧鋤。

寧，鋤鋤其口也。○咸曰：言安然而饗珍膳。

不亦享乎？

嫌禮胡如此。太盛也。○祕

曰：訕，訕夷衆語貌。北夷南單于也。被我純續之衣裳，帶我金璽犀飾之劍，常珍之膳以安然。鋤其口，不亦施饗禮之盛乎？南單于呼韓邪願為蕃蔽而漢賜之冠帶衣裳，黃金璽大官御食之類。○光曰：享當作亨，亨猶泰也。謂宣帝以後單于朝服漢以繒絮衣食厚撫之。曰：昔在高文武實為兵主，今稽

首來臣稱為北藩，是為宗廟之神社稷之靈也，可不享

乎？

言如此不可不以盛禮待之也。○祕曰：高祖圍乎平城，文帝不雪憤辱之恥，孝武至興遼，略實為兵主矣。



至宣帝時呼韓邪來臣稱北藩扞禦北虜蓋漢神靈之祐豈可不享之哉○光曰為兵主者謂高帝得天下之後文帝武帝承平之時兵所以不得息者正以匈奴之故也今幸而得其臣服豈可不厚撫之使之離叛愛小費而就龍堆以西白龍堆也大漠以北鳥夷獸夷鳥夷獸夷者衣鳥獸大患乎

皮郡勞王師漢家不為也皆在荒服之外不為郡屬者也若使勞王師而郡縣之漢

家不為也○光曰鳥夷獸夷言其如鳥獸郡勞王師漢家仁明之主所不為朱厓之絕捐之

之力也

朱厓南海水中郡元帝時背叛不臣議者勸往征之賈捐之以為無異禽獸也棄之不足惜不

擊不損威元帝否則介鱗易我衣裳否不也言不然則介鱗之類易我衣

聽之事在漢書

裳之民也○光曰朱

君人者務在殷民阜財殷富明道

厓島夷故云介鱗

阜盛

明道

信義

光曰行義使民信之

致帝者之用

光曰極其事業

成天地之化使粒

食之民

光曰粒食謂中國之民

粢也晏也

粢文采晏和柔。祕曰粢然明盛晏然安和

享于鬼神不亦饗乎

實受其福。祕曰民神之主也民之豐阜則神饗其祀也。光曰此

言王者不應疲弊中國與遠夷爭雄也

天道勞功

祕曰勞而成功。光曰勤勞然後有成功

或

問勞功曰一日勞考載

日一日猶日日也考成也載歲也

曰功

周而復始

以成其歲故曰功。光曰載事也天運行不息是其勞也成造化之事是其功也

或曰君逸臣

勞何天之勞

言於人事則君逸臣勞也天為君四時行百物生以喻其勞也

曰於事則

逸於道則勞

於事則逸無功可名於道則勞運轉機衡咸曰言人君之道各有其官已弗親之

故於事則逸然修德不暇日愈新之故於道則勞。秘  
曰生萬物地也而天道則勞矣以其運行不息也理萬  
事臣也而君道則勞矣以其修省不暇也。光曰天則  
無為自然而萬物生成君則垂衣端拱而百姓乂安是  
其事逸也天則陰陽往來生生日新君  
則求賢訪道一日萬幾是其道勞也

周公以來未有

漢公之懿也勤勞則過於阿衡

漢公王莽也或以此為  
媚莽之言或以為言遜

之為也吾乃以為箴規之深切者也稱其漢公已前之  
美爾然則居攝之後不貶而惡可知也揚子所以玄妙  
也發至言於當時垂忠教於後世言蔽天地而無慚教  
闕百代而不恥何遜媚之有乎。宗元曰阿衡之事不  
可過也過則反。咸曰成王幼太甲昏勢亦殆矣然周  
公居叔父之尊伊尹當阿衡之重二公可取而不取辛  
以忠勤復辟而正之夫舉其可取不取之因明其不可  
取而取之事則子雲之罪莽亦大矣。秘曰自周公以

來未有如王莽而謂之義也惟是折節力行勤勞之事則欲不止於阿衡明其篡也伊周聖人之居師保者漢公王莽也懿義也過謂不止也班固曰莽知漢中外殫微本末俱弱亡所忌憚生其姦心因母后之權假伊周之稱子雲因其假也故以伊周為言○光曰法言之成蓋當平帝之世莽專漢政自此伊周欲興禮樂致太平上以惑太后下以欺臣民附己者進異己者誅何武鮑宣以名高及禍故揚子不得不遜辭以避害也亦猶薛方云堯舜在上下有巢由也當是之時莽猶未篡人臣之盛者無若伊周故揚子勸以伊周之美欲其終於北面者也或曰揚子為漢臣漢亡不能死何也曰國之大臣任社稷之重者社稷亡而死之義也向使揚子據將相之任處平勃之地莽篡國而不死良可責也今位不過郎官朝廷之事無所與聞奈何責之以必死乎夫死者士之所難凡責人者當先恕己則可以知其難矣或曰揚子不死可也何為仕莽而不去曰知莽將篡而去

者龔勝是也莽聘以為太子師友卒不食而死揚子名  
已重於世苟去而隱處如揭日月潛於蒿萊庸得免乎  
或曰揚子不去則已何必譽莽以求媚豈厭貧賤思富  
貴乎曰昔晉袁宏作東征賦不序桓彝陶侃猶為桓溫  
陶胡奴所劫僅以敏捷自免况揚子作法言品藻漢興  
以來將相名臣而獨不及莽莽能無恥且愈乎此杜預  
所謂吾但恐為害不求益也且揚子自謂不汲汲於富  
貴不戚戚於貧賤始為郎給事黃門與王莽劉歆並哀  
帝之初又與董賢同官當成哀平間莽賢皆為三公權  
傾人主所薦莫不拔擢而雄三世不徙官此豈非言行  
相副之明驗乎古今之人能安恬如此者幾希而子乃  
疑其求媚而思富貴不亦過乎使揚子果好富貴則必  
為莽佐命不在漢興二百一十載而中天其庶幾乎言  
劉歆之下矣

### 漢興二百一十載而中天其庶幾乎

言

民衆多富盛也。宗元曰揚子極陰陽之數此言知漢  
祚之方半耳。咸曰子雲雖學極陰陽然亦不當逆知

漢祚方半也。夫中天者，猶中興也。蓋子雲觀莽之強暴而立復暴，礫如是，天下思漢德未已知。赤氏之運未去，必有中興。而王者言庶幾乎近也。故後十餘年，光武果定，豈非驗乎？祕曰：子雲上稱漢德之允懷，中言王莽之不正，下言漢載之中天，是覩民思漢德，莽為不道，必有中興之義，且明德之不可已也。如是，孔子曰：其或繼周者，雖百世可知也。以禮明之也。子雲曰：漢二百一十載而中天，以德明之也。是知子雲其聖人之徒歟。漢高祖元年至孺子嬰二年，凡二百一十四年。自王莽稱建國元年至獻帝延康元年，凡二百一十二年。○光曰：庶者，庶幾。辟靡以本之學校，以教之禮樂，以容之輿服，以於治也。

表之復其井，刑勉人役唐矣夫。

言若盡此諸美以濟勉人者，無美唐虞之世也。

○咸曰：勉當為免字之誤也。言後之中興者，能修漢之辟靡學校禮樂輿服之未修者，能復井田之未復者，能

措刑辟之未措者以是道而化天下復免人事邊之役則唐堯如矣。○祕曰漢之中天惟是盛德之符設使行辟靡學校禮樂輿服之事復其井田象刑勉勵其人役於百執事者則唐堯之治矣。夫孔子刪書始于唐堯而子雲法言以是終之蓋百王之表則也。○光曰容為之容飾表表其尊卑役用也用唐堯故事

揚子法言卷十



謹案卷八第二頁前四行宋吳本作巽以揚之今  
從李本考本文亦作巽以揚之注當有誤

第五頁後六行非盜而何刊本而訛如今改

第十頁前一行寧成刊本成訛戚據漢書酷吏傳  
改


卷九第六頁前五行勸與倦同刊本倦訛卷今改  
第六頁後五行懼者畏義也云云當在下節此疑  
有誤

第九頁前八行終以不朽為壽刊本壽訛荅今改  
卷十第五頁前三行李宋本半通闕刊本脫半字  
據王應麟困學紀聞增

第七頁前七行或作凝非也刊本或字訛置凝字  
下非字訛置作字上今改正

第十二頁前五行又與董賢同官刊本董訛薰今  
改





總校官庶吉士臣侍朝

校對官學正臣劉景岳

膳錄舉人臣陳賓